

বার্ষিক প্রতিবেদন

২০২২-২০২৩



উপজেলা সমবায় কার্যালয়
বানারীপাড়া, বরিশাল।
পল্লী উন্নয়ন ও সমবায় বিভাগ
স্থানীয় সরকার পল্লী উন্নয়ন ও সমবায় মন্ত্রণালয়।



রাজনৈতিক স্বাধীনতা তার সত্যিকারের অর্থ খুঁজে পাবে অর্থনৈতিক মুক্তির স্বাদে ,আপামর জনসাধারণের ভাগ্যোন্নয়নে।
তবেই গণতান্ত্রিক পদ্ধতির মাধ্যমে রুপায়িত হবে সমাজতান্ত্রিক নীতির এবং সেই অভিষ্ট লক্ষ্যে আমরা পৌঁছাবো সমবায়ের মাধ্যমে।

-জাতির পিতা বঙ্গবন্ধু শেখ মুজিবুর রহমান]



দেশের উন্নয়নকে ত্বরান্বিত করার ক্ষেত্রে সমবায় একটি পরীক্ষিত কৌশল।

-- মাননীয় প্রধানমন্ত্রী শেখ হাসিনা।

মুখবন্ধ

সমবেত প্রচেষ্টায় উন্নয়নে সমৃদ্ধ হওয়ার নাম “সমবায়”।

সমবায় একটি প্রাচীন অর্থনৈতিক ব্যবস্থা; সামাজিক তথা আঞ্চলিক ও জাতীয় উন্নয়ন এবং অগ্রগতি অর্জনে সমবায় একটি পরীক্ষিত সফল পদ্ধতি। একক প্রচেষ্টায় যা করা সম্ভব নয় সমবায় পদ্ধতিতে তা সহজেই করা সম্ভব। তাই প্রাচীনকাল থেকেই সমবায় বিশ্বব্যাপী জনগণের আর্থ-সামাজিক উন্নতির কার্যকর কৌশল হিসেবে ব্যবহৃত হয়ে আসছে। সমবায় সমিতি গঠনের উদ্দেশ্য হলো সুশৃঙ্খলভাবে লক্ষ্য-উদ্দেশ্য বাস্তবায়ন করে নিজেদের অবস্থার গুণগত পরিবর্তন সাধন করা।

জাতির পিতা বঙ্গবন্ধু শেখ মুজিবুর রহমান এর স্বপ্ন ছিল দরিদ্র ও ক্ষুধামুক্ত সুখী-সমৃদ্ধ বাংলাদেশ প্রতিষ্ঠা। তিনি বিশ্বাস করতেন উৎপাদনযন্ত্র, উৎপাদন ব্যবস্থা ও বন্টন প্রণালীসমূহের মালিক বা নিয়ন্ত্রক জনগণ হলে তার স্বপ্নের “সোনার বাংলা” গড়ে তোলা সহজতর হবে। এজন্যই রক্তে অর্জিত সংবিধানে সমবায়ের ঐতিহাসিক স্বীকৃতি ও অগ্রাধিকার দিয়ে জাতির পিতা তার স্বপ্নের “সোনার বাংলা” নির্মাণ করতে চেয়েছিলেন। এ পথ ধরেই বঙ্গবন্ধু কন্যা মাননীয় প্রধানমন্ত্রী শেখ হাসিনার গতিশীল নেতৃত্বে দেশ আজ উন্নয়নের অগ্রযাত্রায় এগিয়ে চলেছে।

পদ্মা সেতু, পায়রা সমুদ্র বন্দর, ১৩২০ মেগাওয়াট উৎপাদন ক্ষমতাসম্পন্ন পায়রা তাপবিদ্যুৎ কেন্দ্রসহ বিভিন্ন অবকাঠামো উন্নয়নের ফলে বরিশাল অঞ্চলের আর্থ-সামাজিক অবস্থার পরিবর্তন দ্রুত দৃশ্যমান হচ্ছে এবং সেই সাথে প্রকট হচ্ছে বিত্তবান ও বিত্তহীনের আর্থ-সামাজিক বৈষম্য। এ বৈষম্য দূরীকরণে এবং টেকসই পরিবর্তনে, বরিশাল অঞ্চলের দরিদ্র ও নিম্নবিত্ত মানুষেরা তাদের ক্ষুদ্র-ক্ষুদ্র সঞ্চয় ও প্রচেষ্টা দিয়ে সমবায়ের মাধ্যমে নিজেদের আর্থ-সামাজিক অবস্থার পরিবর্তনে উদ্যোগী হতেই হবে। উৎপাদন, বিপণন ও সুষম বন্টন ব্যবস্থা গড়ে তুলে, আয় বৈষম্য দূরীকরণে ভূমিকা রেখে আঞ্চলিক ও জাতীয় অর্থনীতিকে শক্তিশালী করনেও দৃশ্যমান অবদান রাখতে পারে সমবায়।

প্রতিবেদনটিতে বরিশাল ব্যাপী নিবন্ধিত সমবায় সমিতির সংখ্যা, ব্যক্তি সদস্য, শেয়ার মূলধন, সঞ্চয় আমানত, গঠিত অন্যান্য তহবিল, লভ্যাংশ বিতরণ, বর্তমান অবস্থা ও সমবায়ীদের সক্ষমতা বৃদ্ধির লক্ষ্যে আয়োজিত প্রশিক্ষণ বিষয়ে বিস্তারিত পরিসংখ্যান তুলে ধরা হয়েছে। এছাড়াও বরিশাল অঞ্চলের সমবায় সমিতি সমূহ এ অঞ্চলের অর্থনৈতিক ও সামাজিক উন্নয়নে যে অবদান রাখছে তার একটি সার্বিক চিত্র তুলে ধরতেই এই প্রতিবেদন প্রকাশ করা।

এ পরিপ্রেক্ষিতে, সমবায় পতাকাতলে এ অঞ্চলের মানুষকে একত্রিত করে তাদের অগ্রযাত্রা এবং টেকসই উন্নয়নে আমরা সর্বাঙ্গিক প্রচেষ্টা চালিয়ে যাচ্ছি।



মোঃ আবুল বাশার রাড়ী
উপজেলা সমবায় কর্মকর্তা,
বানারীপাড়া, বরিশাল।

সূচিপত্র

১ম অধ্যায় - উপজেলা সমবায় দপ্তর, বানারীপাড়া, বরিশাল

২য় অধ্যায়- বানারীপাড়া সমবায় খাতের অগ্রগতি

৩য় অধ্যায়- প্রশিক্ষণ কার্যক্রম

১ম অধ্যায়

উপজেলা সমবায় দপ্তর, বানারীপাড়া, বরিশাল

১. উপজেলা সমবায় দপ্তর, বানারীপাড়া, বরিশাল এর রূপকল্প, অভিলক্ষ্য, কর্মসম্পাদনের ক্ষেত্র এবং কার্যাবলী

১.১ রূপকল্প :

টেকসই সমবায়, টেকসই উন্নয়ন।

১.২ অভিলক্ষ্য :

সমবায়ীদের সক্ষমতা বৃদ্ধি এবং উদ্যোক্তা সৃষ্টির মাধ্যমে কৃষি, অকৃষি, আর্থিক ও সেবা খাতে টেকসই সমবায় গড়ে তোলা।

১.৩ কর্মসম্পাদনের ক্ষেত্র :

১.৩.১ উপজেলা সমবায় দপ্তর, বানারীপাড়া, বরিশাল এর কর্মসম্পাদনের ক্ষেত্রে:

- ১ টেকসই সমবায় গঠনে কার্যক্রম গ্রহণ;
- ২ উৎপাদন, আর্থিক ও সেবা খাতে সমবায় গঠন;
- ৩ সমবায় সংগঠনের সক্ষমতা বৃদ্ধি ও উদ্যোক্তা সৃজন;
- ৪ দরিদ্র ও অনগ্রসর মহিলাদের সক্ষমতা বৃদ্ধি ও সম্পদের অধিকার অর্জনে কার্যক্রম গ্রহণ।

১.৩.২ সুশাসন ও সংস্কারমূলক কার্যক্রমের বাস্তবায়ন জোরদারকরণ:

১.৪ কার্যাবলী :

১. সমবায় আদর্শে/দর্শনে উদ্ধৃকরণ ও সমবায় গঠন;
২. নিরীক্ষা, পরিদর্শন ও তদারকির মাধ্যমে সমবায় সমিতিগুলোতে সুশাসন প্রতিষ্ঠা করা;
৩. সমবায় অধিদপ্তরের কর্মকর্তা-কর্মচারীদের উচ্চতর প্রশিক্ষণের সুযোগ সৃষ্টির মাধ্যমে পেশাগত দক্ষতা বৃদ্ধি করা;
৪. প্রশিক্ষণের মাধ্যমে সমবায়ীদের দক্ষতা বৃদ্ধি এবং উদ্যোক্তা সৃজনে সহায়তা করা;
৫. সমবায় নেটওয়ার্কিং জোরদার করার লক্ষ্যে সমবায় মূল্যবোধের প্রচার, প্রকাশনা, সেমিনার ও কর্মশালার আয়োজন এবং প্রাতিষ্ঠানিক স্বীকৃতি প্রদান;
৬. পুঁজি গঠন ও বিনিয়োগের মাধ্যমে আত্মকর্মসংস্থান সৃষ্টি করা;
৭. গ্রামীণ মহিলা ও সাধারণ জনগোষ্ঠীর ক্ষমতায়ন ও আর্থ-সামাজিক উন্নয়নের লক্ষ্যে সমবায় ভিত্তিক প্রকল্প ও কর্মসূচির বাস্তবায়ন;
৮. সমবায় পন্য ব্যান্ডিং ও বাজার সংযোগ প্রতিষ্ঠায় সমবায়ীদের দক্ষতা উন্নয়নে সহায়তা করা;
৯. সমবায় অধিদপ্তরের অভিলক্ষ্য অর্জন ও কার্যাবলী বাস্তবায়নে প্রয়োজনীয় সহযোগিতা প্রদান;

১.৫ উপজেলা সমবায় দপ্তর, বানারীপাড়া, বরিশাল এর লক্ষ্য এবং দায়িত্ব:

১. সমবায় আন্দোলনের প্রশাসনিক এবং ব্যবস্থাপনা বিষয়ক নীতিমালার আলোকে প্রণীত সমবায় সমিতি আইন এবং বিধিমালার ব্যবহারিক প্রয়োগ তত্ত্বাবধান করা।
২. উপজেলা সমবায় দপ্তর, বানারীপাড়া এর কর্মকর্তা কর্মচারী এবং সমবায় সমিতির সদস্য, ব্যবস্থাপনা কমিটির সদস্য, বেতনভুক্ত কর্মচারীদেরকে বিভিন্ন পদ্ধতি ও প্রতিষ্ঠানের মাধ্যমে সমবায় নীতিমালা ও এর প্রায়োগিক বিষয়ে প্রাতিষ্ঠানিক প্রশিক্ষণ প্রদান করা;
৩. সমবায় সমিতি আইন ও বিধিমালার যথাযথ বাস্তবায়ন নিশ্চিত করা সাপেক্ষে, মূলধন গঠন ও বিনিয়োগ, সঠিক ব্যবস্থাপনা, তহবিলের যথাযথ ব্যবহার করতঃ সমিতির স্বাভাবিক এবং আইনগত কার্যক্রম ও অন্যান্য বিষয়াদি পরিচালনার জন্য সমবায় সমিতি সংগঠন, নিবন্ধন এবং অডিট করা;
৪. যুগের চাহিদা মোতাবেক সমিতি পরিচালনার সুবিধার্থে সমবায় সমিতি আইন ও বিধিমালা সংশোধনের জন্য পরামর্শ প্রদান করা এবং উপজেলা সমবায় অফিসারের উপর অর্পিত বিধিবদ্ধ দায়িত্ব পালন এবং ক্ষমতা প্রয়োগ করা;

৫. সমবায় সমিতির কার্যক্রম সম্পর্কে জরিপ, গবেষণা এবং কেস স্টাডি পরিচালনা করে ফলাফল এবং প্রতিবেদন প্রকাশ করা এবং নিবন্ধক ও মহাপরিচালকের নিকট সুপারিশ পেশ করা;
৬. বাংলাদেশ ব্যাংক, কৃষি ব্যাংক, বিএডিসি ইত্যাদি সরকারি এবং স্বায়ত্বশাসিত প্রতিষ্ঠানের সহায়তায় প্লান্ট স্থাপন এবং পণ্য আমদানী রপ্তানীর জন্য ঋণ ও যন্ত্রপাতিসমূহ এবং সমবায় সমিতির জন্য অন্যান্য দ্রব্য ও প্রয়োজনীয় সেবার ব্যবস্থা করা।
৭. সমবায়ের প্রচার, প্রকাশনা ও সম্প্রসারণমূলক কর্মকান্ড পরিচালনা করা ; এবং
৮. দাপ্তরিক প্রশাসন পরিচালনা ।

১.৬ প্রশিক্ষণ প্রতিষ্ঠান:

দেশের মানব সম্পদ উন্নয়নের লক্ষ্যে উপজেলা সমবায় দপ্তর, বানারীপাড়া, জেলা সমবায় দপ্তর, বরিশাল, বাংলাদেশ সমবায় একাডেমী ও শের-ই-বাংলা আঞ্চলিক সমবায় ইনস্টিটিউট বরিশাল এর মাধ্যমে বিভাগীয় কর্মকর্তা/কর্মচারী এবং সমবায়ীদের সমবায় ব্যবস্থাপনাসহ বিভিন্ন বিষয়ে দক্ষতা বৃদ্ধির জন্য প্রশিক্ষণ প্রদান করে থাকে।

১.৭ সমবায় দিবস:

আন্তর্জাতিক সমবায় দিবসঃ জুলাই মাসের ১ম শনিবার

জাতীয় সমবায় দিবসঃ নভেম্বর মাসের ১ম শনিবার

১.৮ সমবায় সমিতি সংক্রান্ত তথ্য:

১.৮.১ সমিতির স্তর বিন্যাস: দেশের মোট সমবায় সমিতিসমূহ ৩টি স্তরে বিভক্ত-

ক. প্রাথমিক সমবায় সমিতি

খ. কেন্দ্রীয় সমবায় সমিতি

গ. জাতীয় সমবায় সমিতি

অপরদিকে সমিতি গঠনের উদ্যোগ, অর্থায়ন ও সেবা প্রদানের দৃষ্টিকোণ থেকে সমবায় সমিতিসমূহকে দু'ভাগে ভাগ কর

ক. সাধারণ সমবায় সমিতি

খ. বিআরডিবি সমর্থনপুষ্ট সমবায় সমিতি

১.৮.২ সমিতির সংখ্যাঃ

২০২১-২০২২ অর্থবছরের ৩০ জুন পর্যন্ত বরিশাল জেলায় মোট সমবায় সমিতির সংখ্যা ৩৩৩টি, যার স্তর বিন্যাস নিম্নরূপ:

স্তর/শ্রেণি	সংখ্যা
জাতীয়	নাই
কেন্দ্রীয়	২ টি
প্রাথমিক সাধারণ	২৫৬টি
প্রাথমিক (পউব)	৭৫ টি
মোট =	৩৩৩ টি

১.৮.৩ সমিতির সম্পদ:

বানারীপাড়া উপজেলার সমিতির ভৌত সম্পদ, বিনিয়োগকৃত আর্থিক সম্পদ, মজুদ তহবিল ইত্যাদির মোট পরিমাণ প্রায় ৩৭০.৩২ কোটি টাকা।

১.৮.৪ প্রশাসনিক কর্মকান্ড:

কর্মকর্তা/কর্মচারীদের সংখ্যা (রাজস্ব বাজেটে):

সংস্থার নাম	উপজেলা কর্মকর্তার পদ	৩য় শ্রেণির পদ	৪র্থ শ্রেণির পদ	মোট
১	২	৩	৪	৭
উপজেলা সমবায় দপ্তর, বানারীপাড়া (মোট পদ সংখ্যা)	০১	৩	০১	৫টি

১.৮.৫ কর্মসংস্থান:

সমবায় সমিতির মাধ্যমে ২০২২-২০২৩ অর্থবছরের ৩০ জুন পর্যন্ত সর্বমোট ৪,২৮১ জন লোকের প্রত্যক্ষ ও পরোক্ষভাবে কর্মসংস্থানের ব্যবস্থা করা সম্ভব হয়েছে।

১.৮.৬ অডিট ফি ও নিবন্ধন ফি আদায়:

উপজেলা সমবায় দপ্তর সরকারী রাজস্ব (ননট্যাক্স) আয়ে গুরুত্বপূর্ণ ভূমিকা পালন করে আসছে। সমবায় সমিতি নিবন্ধনের সময় নিবন্ধন ফি আদায় করা হয়। অপরদিকে সমিতির অডিট কার্যক্রম সম্পন্ন করার পর সমিতি হতে সমবায় সমিতি বিধিমালা ২০০৪ (সংশোধন ২০২০) এর ১০৭ বিধি অনুযায়ী নির্দিষ্ট হারে অডিট ফি আদায় করা হয়। ২০২১-২০২২ অর্থবছরে উপজেলা সমবায় দপ্তর, বানারীপাড়া কর্তৃক নিবন্ধন ফি হিসেবে ৯০০/- টাকা এবং অডিট ফি হিসেবে ৩১৫৪০/- টাকা অর্থাৎ মোট ৩২৪৪০/- টাকা রাজস্ব সরকারি কোষাগারে জমা হয়েছে।

১.৮.৭ সমবায় উন্নয়ন তহবিল (সিডিএফ) আদায়:

সমবায় সমিতি বিধিমালা-২০০৪ (সংশোধন ২০২০) এর ৮৪(২) বিধি অনুযায়ী প্রত্যেক সমবায় সমিতি প্রতি সমবায় বর্ষে নীট মুনাফা হতে ৩% অর্থ সমবায় উন্নয়ন তহবিলের অনুকূলে জমা করার মাধ্যমে উক্ত তহবিল গঠিত হয়। ২০২২-২০২৩ অর্থবছরে উপজেলা সমবায় দপ্তর, বানারীপাড়া ১,০৫৬/- টাকা সমবায় উন্নয়ন তহবিল (সিডিএফ) আদায় করতে সক্ষম হয়েছে।

১.৮.৮ সমবায় প্রশিক্ষণ:

সমবায় সমিতির কার্যক্রমে আইনানুগ নিয়ন্ত্রণ ও সমবায়ীদের উন্নয়নমূলক কর্মকাণ্ডে গতিবৃদ্ধির জন্য সমবায় প্রশিক্ষণের প্রয়োজনীয়তা অপরিহার্য। এ লক্ষ্যে বাংলাদেশ সমবায় একাডেমি ও শের-ই-বাংলা আঞ্চলিক সমবায় ইনস্টিটিউট বরিশাল এর পাশাপাশি উপজেলা সমবায় দপ্তর, বানারীপাড়া ভ্রাম্যমাণ প্রশিক্ষণ ইউনিট রয়েছে। উক্ত ভ্রাম্যমাণ প্রশিক্ষণ ইউনিট কর্তৃক চহিদানুযায়ী তৃণমূল পর্যায় সমবায় ব্যবস্থাপনা, হাঁস-মুরগী ও গবাদী পশু-পালন, বৃক্ষরোপণ, স্যানিটেশন প্রভৃতি আয়বর্ধক ও আত্র-কর্মসংস্থানমূলক বিষয়সহ জাতীয় কর্মসূচীর আওতাভুক্ত বিভিন্ন বিষয়ে প্রশিক্ষণ প্রদান করা হয়। ২০২২-২৩ অর্থ বছরে ভ্রাম্যমাণ প্রশিক্ষণ ইউনিট কর্তৃক প্রদত্ত প্রশিক্ষণের অগ্রগতি চিত্র নিম্নরূপঃ

ভ্রাম্যমাণ প্রশিক্ষণ ইউনিট কর্তৃক প্রদত্ত প্রশিক্ষণের অগ্রগতিঃ

প্রশিক্ষণের ধরণ	কোর্সের সংখ্যা	প্রশিক্ষণার্থীর সংখ্যা
ভ্রাম্যমাণ প্রশিক্ষণ	৪	১০০
আইজিএ প্রশিক্ষণ	--	--
মোট	৪	১০০

১.৮.৯ সমবায় সমিতির অডিট :

সমিতির স্তর	অডিটযোগ্য সমিতির সংখ্যা	অডিটকৃত সমিতির সংখ্যা	অগ্রগতির হার (%)
জাতীয় সমিতি	নাই	নাই	--
কেন্দ্রীয় সমিতি	২ টি	২ টি	১০০%
প্রাথমিক সমিতি (সাধারণ)	১৮১ টি	১৮১ টি	১০০%
মোট =	১৮৩ টি	১৮৩ টি	১০০%

১.৮.১০ প্রচার ও প্রকাশনা কার্যক্রম:

- ❖ সমবায়ের কার্যক্রম প্রচার
- ❖ সমবায় পত্রিকা ও সাময়িকী প্রকাশ: ত্রৈমাসিক সমবায়, কো-অপারেশন, নিউজ লেটার
- ❖ বিভিন্ন সেমিনার ও কর্মশালা আয়োজন
- ❖ জাতীয় ও আন্তর্জাতিক সমবায় দিবস উদযাপন
- ❖ জাতীয় সমবায় পুরস্কার সংক্রান্ত
- ❖ রেডিও ও টেলিভিশন সহ অন্যান্য গণ মাধ্যমের সাথে যোগাযোগ ও প্রচার সংক্রান্ত কাজ
- ❖ সমবায় সংক্রান্ত বিভিন্ন প্রদর্শনী

১.৯ উপজেলা সমবায় কার্যালয়, বানারীপাড়া, বরিশাল এর উল্লেখযোগ্য কার্যক্রম

*** জাতির পিতার ৪৮ শাহাদাত বার্ষিকী ও জাতীয় শোক দিবসে বঙ্গবন্ধুর প্রতিকৃতিতে পুষ্পস্তবক অর্পণ:



জাতির পিতার ৪৮ শাহাদাত বার্ষিকী ও জাতীয় শোক দিবসে বঙ্গবন্ধুর প্রতিকৃতি উপজেলা সমবায় কার্যালয়, বানারীপাড়া, বরিশাল এর পক্ষ পুষ্পস্তবক অর্পণ করা হয়।

*** ৫১ তম জাতীয় সমবায় দিবস উদযাপন:

৫ নভেম্বর ২০২২ খ্রিঃ তারিখে ৫১ তম জাতীয় সমবায় দিবস উদযাপন উপলক্ষ্যে উপজেলা প্রশাসন ও উপজেলা সমবায় দপ্তর, বানারীপাড়ার সার্বিক তত্ত্বাবধানে এক আলোচনা সভা ও পুরস্কার বিতরণী অনুষ্ঠান উপজেলা পরিষদ মিলনায়তনে অনুষ্ঠিত হয়। অনুষ্ঠানে প্রধান অতিথি হিসাবে উপস্থিত জনাব মোঃ শাহে আলম, মাননীয় সংসদ সদস্য বরিশাল-২। অনুষ্ঠানে বিশেষ অতিথি হিসাবে উপস্থিত ছিলেন জনাব মোঃ গোলাম ফারুক, চেয়ারম্যান, উপজেলা পরিষদ বানারীপাড়া, জনাব মোঃ নুরুল হুদা, ভাইস চেয়ারম্যান, উপজেলা পরিষদ বানারীপাড়া, জনাব সৈয়দা তাসলিমা হোসেন ফ্লোরা, মহিলা ভাইস চেয়ারম্যান, উপজেলা পরিষদ বানারীপাড়া। অনুষ্ঠানে সভাপতিত্ব করেন জনাব মোঃ রিপন কুমার বিশ্বাস, উপজেলা নির্বাহী কর্মকর্তা, বানারীপাড়া, বরিশাল।



২য় অধ্যায়

বানার সমবায় খাতের অগ্রগতি

বাংলাদেশে সমবায়ের কার্যক্রম শতবর্ষ অতিক্রম করেছে। সুদীর্ঘ পথ পরিক্রমায় বিশ্ব অর্থনীতির জোয়ার ভাটা সমবায়ের উপর দিয়ে প্রবাহিত হয়েছে। পুঁজিবাদের প্রবল দাপটে মাঝে মধ্যে সমবায়ের আবস্থা নাজুক হলেও এর ফলপ্রসূ কার্যকারিতা তাকে টিকিয়ে রেখেছে আর্থ-সামাজিক উন্নয়নের সার্বজনীন উপযোগী মাধ্যম হিসেবে। নতুন শতাব্দীতে সমবায় নতুন ভাবধারায় উজ্জীবিত হয়েছে। ফলে বিভিন্ন মাপকাঠিতে এর ক্রম অগ্রসরতা দৃশ্যমান হয়। অর্থনীতির এ খাতের সাফল্য পরিসংখ্যানের নিয়মে পরিমাপ করা সুস্বাধ্য বিষয়। তবে কিছু নিয়ামক রয়েছে যার মাধ্যমে এর সফলতা ও ব্যর্থতার একটি ধারণা পাওয়া যেতে পারে। এ দেশের প্রাথমিক সমবায় সমিতির কার্যক্রমই সমবায় আনোদলনের মূল চালিকা শক্তি। নিম্নে এরূপ প্রাথমিক সমবায় সমিতির কিছু নিয়ামক চিত্র তুলে ধরা হলো:

২.১ প্রাথমিক সমবায় সমিতির সংখ্যা:

নতুন সহশ্রাব্দে সমবায়ের কিছু নতুন মাত্রা যুক্ত হওয়ায় এর জনপ্রিয়তা বৃদ্ধি পেয়েছে। ফলে নতুন সমবায় সমিতি নিবন্ধনের প্রক্রিয়াও অব্যাহত রয়েছে। প্রতি বছরই উল্লেখযোগ্য সংখ্যক সমবায় সমিতি নিবন্ধিত হচ্ছে। বিগত পাঁচ বছরে সমবায় সমিতির সংখ্যার ঘটেছে। জেলা সমবায় কার্যালয়, বরিশাল এর সরাসরি তত্ত্বাবধানে গঠিত সমবায় সমিতির পাশাপাশি অন্যান্য সরকারি ও বেসরকারি উদ্যোগেও বিভিন্ন ক্যাটাগরীর সমবায় সমিতি নিবন্ধিত হয়ে থাকে। বিশেষ করে প্রাথমিক সমবায় সমিতি সংগঠনের ধারা অন্যান্য সময়ের চেয়ে বর্তমানে অনেক বেশি। ২০২২-২০২৩ অর্থ বছরের জুন ২০২৩ খ্রি. পর্যন্ত বানারীপাড়া উপজেলাধীন প্রাথমিক সমবায় সমিতির সংখ্যা দাড়িয়েছে- সমবায় বিভাগীয়: ২৫৬ টি ও বাংলাদেশ পল্লী উন্নয়ন বোর্ড এর আওতাধীন প্রাথমিক সমিতি: ৭৫ টি।

২.২ প্রাথমিক সমবায় সমিতির সদস্য সংখ্যা:

উন্নয়ন কার্যক্রমে জনগণের অংশীদারিত্ব উন্নয়নের অন্যতম নির্দেশক। সমবায় নিম্ন বিত্তের সংগঠন হিসাবে আর্বিভূত হলেও বর্তমানে সকল শ্রেণির বিপুল সংখ্যক জনগোষ্ঠী সমবায়কে আর্থ-সামাজিক উন্নতির একটি পরীক্ষিত কৌশল হিসাবে বেছে নিয়েছে। সমবায় শুধু অর্থনৈতিক উন্নয়নই নয় পাশাপাশি সামাজিক উন্নয়নেও বিশেষ অবদান রেখে থাকে প্রতিবেদনাধীন বছরের জুন ২০২৩ খ্রি. পর্যন্ত সমবায় সমিতির ব্যক্তি সদস্য সংখ্যা বিগত বছরসমূহের চেয়ে বৃদ্ধি পেয়েছে। সদস্য সংখ্যা: পুরুষ-১১,৩৫৮ জন ও মহিলা-১০,৫৮৩ জন সহ সর্বমোট ২১,৯৪১ জন।

২.৩ শেয়ার মূলধন:

দরিদ্র জনগোষ্ঠীর ক্ষুদ্র পুঁজির সমন্বয় ঘটিয়ে বৃহৎ মূলধন তৈরি এবং উক্ত মূলধন বিনিয়োগ করে অর্থনৈতিক কর্মকান্ড বৃদ্ধি করাই হচ্ছে সমবায়ের লক্ষ্য অর্জনের মূল কৌশল। যার প্রধান উৎস হলো সদস্যদের নিকট থেকে শেয়ার আদায়। বিগত বছরের তুলনায় পরিশোধিত শেয়ার মূলধন বৃদ্ধি পেয়ে চলতি বছরের জুন ২০২৩ খ্রি. পর্যন্ত দাড়িয়েছে: ১ কোটি. ৩৮ লক্ষ টাকা।

২.৪ সঞ্চয় আমানত:

সমবায় সমিতির মূলধন গঠনে শেয়ারের পরে সঞ্চয়ের ভূমিকা উল্লেখযোগ্য। সদস্যরা নিয়মিতভাবে সমিতিতে সঞ্চয় জমা করে তা লাভজনক ব্যবসায় বিনিয়োগ করে থাকে। বিগত বছর সমুহের তুলনায় সঞ্চয় আদায় বৃদ্ধি পাচ্ছে। ২০২২-২০২৩ অর্থবছরের জুন ২০২৩ খ্রি. পর্যন্ত সদস্যদের সঞ্চয় দাড়িয়েছে ৯ কোটি, ৭৫ লক্ষ ৮৫ হাজার টাকা।

২.৫ সংরক্ষিত তহবিল ও গঠিত অন্যান্য তহবিল:

সমবায় সমিতিগুলোর নীট লাভ থেকে নির্দিষ্ট হারে বিভাজনের মাধ্যমে উল্লেখযোগ্য পরিমান অর্থ সংরক্ষিত ও অন্যান্য তহবিলে জমা হয়ে থাকে। এ তহবিলও সমিতির মূলধন হিসাবে গণ্য হয়। ২০২২-২০২৩ অর্থ বছরের জুন ২০২৩ খ্রি. পর্যন্ত প্রাথমিক সমবায় সমিতিগুলোর সংরক্ষিত তহবিল ও নীট লাভ হতে গঠিত তহবিলের পরিমান ০ কোটি ৫০ লক্ষ ৭৯ হাজার টাকা।

২.৬ কর্যকরী মূলধন:

সমবায় সমিতির শেয়ার মূলধন, সঞ্চয় আমানত ও সংরক্ষিত তহবিল সমবায় সমিতির কর্যকরী মূলধনের উল্লেখযোগ্য অংশ গঠন করে থাকে। ২০২২-২০২৩ অর্থবছরের জুন ২০২৩ খ্রি. পর্যন্ত প্রাথমিক সমবায় সমিতি সমুহের কর্যকরী মূলধনের পরিমান দাড়িয়েছে ১৬ কোটি ২৬ লক্ষ ৭৮ হাজার টাকা।

২.৭ বিনিয়োগ:

সমবায় সমিতিগুলো তাদের নিজস্ব মূলধন ও ধারকৃত মূলধন বিভিন্ন লাভজনক, আয়বর্ধক ব্যবসা ও কাজে বিনিয়োগ করে থাকে। ২০২২-২০২৩ অর্থবছরের জুন ২০২৩ খ্রি. পর্যন্ত প্রাথমিক সমবায় সমিতি সমুহের মোট বিনিয়োগের পরিমান দাড়িয়েছে ২৮ কোটি ৮৫ লক্ষ ৪৯ হাজার টাকা।

২.৮ ঋণ বিতরণ:

২০২২-২০২৩ অর্থবছরের জুন ২০২৩ খ্রি. পর্যন্ত প্রাথমিক সমবায় সমিতি সমুহের বিতরণকৃত ঋণের পরিমান ১২ কোটি ০৯ লক্ষ ২৫ হাজার টাকা।

২.৯ ঋণ আদায়:

২০২২-২০২৩ অর্থবছরের জুন ২০২৩ খ্রি. পর্যন্ত প্রাথমিক সমবায় সমিতি সমূহের আদায়কৃত ঋণের পরিমাণ দাড়িয়েছে ০৭ কোটি ০৩ লক্ষ ১১ হাজার টাকা।

২.১০ অডিট ফি:

প্রাথমিক সমবায় সমিতিগুলো প্রতিবছর তাদের নীট মুনফার ১০% হারে সর্বোচ্চ ১০,০০০/- টাকা পর্যন্ত অডিট ফি হিসাবে সরকারি কোষাগারে (ট্রেজারী চালানোর মাধ্যমে) জমা দিয়ে থাকেন। ২০২১-২০২২ অর্থবছরে ১৮১ টি প্রাথমিক সমবায় সমিতি সমূহের অডিট ফি ধার্য ৩১,৫৪০/- টাকা, সেপ্টেম্বর ২০২৩ খ্রি.মাস পর্যন্ত সরকারি কোষাগারে জমা দেয়া হয়েছে ৩১,৫৪০/- টাকা। আদায়ের শতকরা হার ১০০%।

২.১১ লভ্যাংশ বিতরণ:

সমবায় সমিতিগুলো তাদের সদস্যদের মধ্যে শেষারের বিপরীতে প্রতিবছর লভ্যাংশ বিতরণ করে থাকে। বৈশ্বিক মহামারি করোনার কারণে অর্থনৈতিক মন্দা সত্ত্বেও আলোচ্য ২০২২-২০২৩ অর্থবছরে ৫০ জন সদস্য'র মধ্যে ০ লক্ষ ২২ হাজার টাকা লভ্যাংশ বিতরণ করা হয়েছে।

তৃতীয় অধ্যায়

প্রশিক্ষণ :

সমবায় অধিদপ্তর কর্তৃক নির্দেশনা মোতাবেক বিভিন্ন প্রশিক্ষণ কোর্স অনুষ্ঠিত হয়। এ প্রশিক্ষণ গ্রহন করে সমবায় সমিতির সদস্যদের আর্থ-সামাজিক উন্নয়ন একং আত্ম-কর্মসংস্থান সুযোগ সৃষ্টি হয়ে সমিতির সদস্যরা এখন দক্ষ, সুশৃঙ্খল ও স্বাবলম্বী হয়েছেন। বাংলাদেশ সমবায় একাডেমি কোটবাড়ী কুমিল্লা জাতীয় প্রশিক্ষণ প্রতিষ্ঠান ও তার আওতাধীন বরিশাল আঞ্চলিক সমবায় ইনস্টিটিউট, কাশিপুর, বরিশাল সমবায়ীদের এবং সমবায় বিভাগে কর্মরত বিভিন্ন পর্যায়ের কর্মকর্তা ও কর্মচারীদের জন্য প্রশিক্ষণের ব্যবস্থা রয়েছে।

বাংলাদেশ সমবায় একাডেমি কোটবাড়ী কুমিল্লা :



বাংলাদেশ সমবায় একাডেমিতে ২০২২-২০২৩ প্রশিক্ষণ বর্ষে বরিশাল জেলার সমিতির সদস্যদের মোট ১৪ (চৌদ্দ) টি প্রশিক্ষণ কোর্স অনুষ্ঠিত হয়েছে। উক্ত কোর্স সমূহে সর্বমোট ০৬ জনকে প্রশিক্ষণ প্রদানের জন্য প্রেরণ করা হয়।

বাংলাদেশ সমবায় একাডেমিতে ২০২২-২০২৩ অর্থ বছরের প্রশিক্ষণ অগ্রগতি :

ক্রঃ নং	কোর্সের সংখ্যা	কর্মকর্তা/কর্মচারী	সমবায়ী	লক্ষমাত্রা	অর্জন
০১	০৭	--	২১	২৫	৮৫%
০১	০৬	০৮	--	১০০	১০০%

আঞ্চলিক সমবায় ইনস্টিটিউট কাশিপুর, বরিশাল:



আঞ্চলিক সমবায় ইনস্টিটিউট কাশিপুর, বরিশালে ২০২২-২০২৩ প্রশিক্ষণ বর্ষে বরিশাল জেলার সমিতির সদস্যদের মোট ২৪ (চব্বিশ) টি প্রশিক্ষণ কোর্স অনুষ্ঠিত হয়েছে। উক্ত কোর্স সমূহে সর্বমোট ১২ (বারো) জনকে প্রশিক্ষণ প্রদানের জন্য প্রেরণ করা হয়েছে।

আঞ্চলিক সমবায় ইনস্টিটিউট কাশিপুর, বরিশালে ২০২২-২০২৩ অর্থ বছরের প্রশিক্ষণ অগ্রগতি :

ক্রঃ নং	কোর্সের সংখ্যা	কর্মকর্তা/কর্মচারী	সমবায়ী	লক্ষমাত্রা	অর্জন
০১	২০	--	১০৮	১০৮	১০০%
০১	৬	৪৮	--	৪৮	১০০%

ভ্রাম্যমাণ / ইন হাউজ প্রশিক্ষণ:

উপজেলা সমবায় কার্যালয়, বানারীপাড়া, বরিশাল, কর্তৃক আয়োজিত অত্র উপজেলায় ৪ (চার) টি ভ্রাম্যমাণ প্রশিক্ষণের ব্যবস্থা রয়েছে এবং উপজেলা পর্যায়ে ইন হাউজ প্রশিক্ষণের মাধ্যমে সমবায় বিভাগে কর্মকর্তা/কর্মচারীদের ই-নথি, ওয়েব পোর্টাল, শুদ্ধাচার, অভিযোগ প্রতিকার, সেবা প্রতিশ্রুত, ই-গভর্ন্যান্স, তথ্য অধিকার বিষয়ক প্রশিক্ষণ দিয়ে কর্মদক্ষতা বৃদ্ধি করা হয়েছে। এছাড়াও বিভিন্ন সমবায়ীদের বিভিন্ন ধরনের প্রশিক্ষণ দিয়ে হাঁস মুরগী গরু ছাগল ও গৃহপালিত অন্যান্য পশু লালন পালনের জন্য খামার তৈরির কর্মকৌশল, মৎস্য উৎপাদন বৃদ্ধি, বাড়ির আঙ্গিনায় শাক-সবজি ফলমূল চাষ করে আয় বৃদ্ধি, সমবায় সমিতির রেকড সংরক্ষণ ও হিসাব বিবরণী প্রস্তুতকরণ ও অডিট সম্পাদন, আইজিএ (সেলাই) প্রশিক্ষণ গ্রহন করে খ্রিপিচ, ফতুয়া,

বাচ্চাদের পোষাক তৈরী করে সমিতির সদস্য লাভবান হয়েছেন এবং বিভিন্ন প্রকার শাড়ী, থ্রিপিচ, ফতুয়া, বিছানারচাদরে ব্লক বাটিক করে আত্ম-কর্মসংস্থান সুযোগ সৃষ্টি হয়ে সমিতির সদস্যরা এখন স্বাবলম্বী হয়েছেন।

২০২২-২০২৩ অর্থ বছরের ভ্রাম্যমাণ প্রশিক্ষণের অগ্রগতি :

ক্রঃ নং	কোর্সের সংখ্যা	সমবায়ী	লক্ষমাত্রা	অর্জন
০১	৪	১০০	১০০	১০০%



